



## МЕСЯЦА ОКТЯБРЯ В 27-Й ДЕНЬ

### Святаго мученика Нестора

На Господи, воззвах: стихиры, глас 8.

Подобен: О преславнаго чудесе:

**Несторе**, страдальче чудне, / всеоружием Христовым себе обложил еси, / чувственне убо Лию сплется, того погубил еси, / невидимыми же невидимаго стрелами велиара / ты запыл еси и умертвил еси. / Темже победы венцем / твою главу венча Великодаровитый.

**Словесы** Божественными укрепляем, Несторе мудре, / истинно Димитрия мученика, / гордаго мучителя мужески умертвил еси, / и умершаго и ад разоршаго / исповедав Бога Безсмертна, / смерть неправедну подъял еси, славне. / Темже Жизнь, радуясь, / некончаемую наследовал еси.

**Божественный** юноша был еси, / телесе красотою, мудре, сияя / и благодатию Божественною украшен, / и силою удобрен. / Темже Лиеву разорив силу силою Вседержителя, / радуясь, пострадал еси / и ликом счислился еси страдальцев, / с нимиже, радуясь, нас поминай.

Слава, и ныне, Богородичен:

**Тя** молим, Пречистая, / Предстательницу нашу: / смущаемыя в печалех не презри / до конца погибнути рабы Твоя, / но ускори изъяти ны настоящего гнева и печали, / о Богорадованная, Пресвятая Чистая, / Ты бо наша еси стена и помощь неборимая.

## Крестобогородичен:

**Тя** відящи, пригвождаема на Кресте́, Иису́се, /  
и стра́сти прие́млюща во́лею, / Дева и Мати Твоя́,  
Владыко, / увы́ Мне, вопіяше, / Чадо Сладкое! /  
Ра́ны непра́ведно ка́ко терпіши, / Врачу́, исцели́-  
вый челове́ческое немо́же́ние / и от тли вся  
изба́вивый милосе́рдием Твои́м.

## Тропарь, глас 4:

**Мученик** Твой, Господи, Не́стор, / во страда́-  
нии своем венец прият нетленный от Тебе Бога  
нашего, / имеяй бо крепость Твою́, / мучителей  
низложи, / сокруши и де́монов немо́цныя  
де́рзости: / того молитвами / спаси души наша.

## НА УТРЕНИ

## Канон на 4, глас 4.

## Песнь 1

**Ирмос:** Колесни́цы фарао́новы и си́лу его / вве́рже в  
мо́ре Крепкий во бра́нех, / воспе́ем песнь новую́, яко  
прославися.

**На** колесни́цу пла́менную твоею́ кровию́, му́д-  
ре, радуяся, всел еси́ / и к Небе́сней высоте́,  
иде́же Иису́с Безлетный Свет, / с радостию воз-  
ше́л еси́.

**Броня́ми** мы́сленными веры тебе́, Не́сторе,  
обложив, / и крест, яко копи́е, им́ея в рука́х, /  
вра́жия кре́пко ссекл еси́ полки́.

**Теплото́ю** Христо́вы укрепля́ем любве́, / внутрь  
вскочил еси́ в три́знице и вся разори́л еси́  
Ли́евы ко́зни, / и победу́ победите́льную поста́вил  
еси́.

## Богородичен:

**Зачала́** еси́ во чре́ве Собе́значальнаго Отцу́ / и  
родила́ еси́, Неискусому́жная, паче естества́  
плото́ю, / пребы́вши Дева́ и́стинно, Чистая: / тем-  
же Ты вси почитаем.

## Песнь 3

**Ирмос:** Утвержда́яй гром и созида́яй дух, / утверди́  
мене́, Го́споди, / да Ты пою́ и́стинно / и творю́ во́лю Твою́, /  
яко несть свят, яко Ты, Бо́же наш.

**Укрепився** держа́вою кре́пости вере́й Сокру-  
ши́вшего и а́дова врата́, / со тща́нием в три́знице  
вшел еси́ / и кре́пче сокруши́л еси́ вра́жия ко́зни.

**Вѣтхий прѣлести начальник под ногами твоими прострѣся, / юношески бо к посечѣнію простѣрлся еси мечѣ, Нѣсторе, мучеников похвалѣ: / темже восхваляем тя.**

**Предразрушив гордыню пребеззаконников, Богу пожѣрл еси, мучениче, жертву, / кровь твою возмѣдие священную Тому подаѣ: / темже ти возмзді богатыми дарованьи.**

**Богородичен:**

**Еже от Адама рѣда безобразіе, внесѣнное снѣдию, / во чреве Твоем носимый Иисус, Богородице, / преестѣственно наздав, / первую доброту подаде нам.**

**Седален, глас 4.**

**Подобен: Вознесыйся:**

**Не устрашівся врагов томительства, ни ужася плотских ран, / но безбоязненно потѣкл еси к борѣнію, мудре, / нося непобѣдимое Крестѣ Божественное оружіе. / Темже, вnezапу льстиваго умертвив, умерщвлѣн был еси, Нѣсторе, / и жизни сподѣбился еси, Христу предстоѣ.**

**Слава, и ныне, Богородичен:**

**Грехолюбив сый, молю Тя, Безгрешнаго Бога рождшую, / вземлющаго грехи мира, Пречистая: / многогрешную дѣшу мою ущѣдрити и грехи моя многія очистити, / грешных бо Ты еси очищѣние / и спасѣние верных, и заступлѣние.**

**Крестобогородичен:**

**От Безначальнаго Отца Рожденнаго, / напоследок Тя плотию Рождшая, / на Крестѣ висѣща зрящи, Христе, увы Мне, любѣзнейший Иисусе, вопіяше, / како славимый яко Бог от Ангел, / от беззаконных ныне человек, Сыне, хотѣ, распинаѣшися, / пою Тя, Долготерпеліве.**

**Песнь 4**

**Ирмос: Услышах, Боже, слух Твой и убоѣхся, / разумѣя дела Твоя и ужасѣхся, Господи, / яко Твоего хваления исполнь земля.**

**Димитриевыми озарився светолучными учени, / ѣллинския суеты мрака отбегл еси / и мучѣнія свѣтом облистѣлся еси.**

**Неверія сланое возмутил еси море / сладостию**

твоея, мучениче, благія веры, / нечестівых воінства глубиною твоих кровей потопил еси.

**Воздвизаемо** к жизни явился еси древо, / благоплодием питая подвиг твоих верных полноту, / Несторе Христов, мучеников хвала.

**Богородичен:**

**Очистилице** мне буди грехов / и даждь мне руку помощи, бедствующему, Всесвятая Владычице, / христиан твердое заступление.

### Песнь 5

**Ирмос:** Утро светлое / нам послѣ яко Благ / и настаവി ны в страх Твой, Владыко.

**Словесы** Божественнаго разума помысл напоив, / мучения клас зрел, славне Несторе, израстил еси.

**Исцелением** словес твоих, о Димитрие, мучениче Христов, / безбожия беззаконие великое Нестор устави ест.

**Ко врагу** видимому сплется, / Божию невидимо помощь стяжал еси, Несторе славне.

**Богородичен:**

**Радуйся**, Родшая Бога нашего без семене; / радуйся, Едина Богомати Пречистая; / радуйся, Невесто Невестная.

### Песнь 6

**Ирмос:** Буря мя помышлений постигши, / во глубину низвлечит мя безмерных грехов, / но Ты, Управителю Благий, / предварив, управи, / яко пророка, и спаси мя.

**Печатию** назнаменов твоё сердце, / доблественно уязвил еси мужества твоего копием сердце Лиёво, страдальче. / И, радуясь, умерщвляешься за всех Жизнь, Иисуса.

**Яко жених**, от чертога плоти твоя, мудре, изшел еси, / одеждами, истканными от кровей твоих, мучениче, священным, ясно украшаем, / и Владыце предстал еси Христу.

**Возвысив** на камени твоя ноги благочестия, / постави Христос Жизни камень и направил, Несторе, к Себе стопы твоя / и враги твоя посрами.

**Богородичен:**

**Расторгни** пленницы моих прегрешений, / Яже Бога родшая, вземлющаго мира грех, Дево Марие, / на Тя бо надежду спасения возложих.

## Кондак, глас 2.

Подобен: Вышних ищя:

**Страдальчествовав** добре, бессмертную славу наследовал еси ныне, / яко воин изрядный Владыки был еси, молитвами Димитрия мученика: / с ним убо, Несторе мудре, моля не престай о всех нас.

## Ин кондак, глас 4:

**Благочестия** непобедимаго воина / и истине согласника и оружника / вси по достоянию восхвалим Нестора великаго днесъ / и к нему возопием: / моли Христа Бога о всех нас.

## Икос:

**В** путь Господень от младенства шествовал еси, треблаженне, / и Того благочестно свидетельств возжелел еси, / и, крест на рамена, Несторе Богомудре, усердно взем, / прелесть лютую идолонействовства разорил еси, / сокрушив и стер Лиевы козни и ловления. / Темже верою притекаем в твой кров, вопиюще: / пребогате, моли Христа Бога о всех нас.

## Песнь 7

**Ирмос:** Глаголавый на горе с Моисеом / и образ девства явлел в купине, / благословен еси, Боже отец наших.

**Озаривый** верных сердца / зарею подвигов страстотерпца, / благословен еси, Господи, Боже отец наших.

**Нечестия** угасив пламень росю кровей твоих, / Божественный мучениче Несторе, поеши: / благословен еси, Господи, Боже отец наших.

**Жертву** живу в воню благовоения Господу принес, / мучениче Несторе, / благословен еси, взывал еси, Господи, Боже отец наших.

## Богородичен:

**Святейши** Херувим явилася еси, / рождшая Пресвятое Бога Слово, Всесвятая Владычице, / нас освящающаго.

## Песнь 8

**Ирмос:** Земля и вся, яже на ней, / море и вси источники, / Небеса небес, свет и тьма, мраз и зной, / сынове человечести, / священницы, благословите Господа / и превозносите Его во веки.

**Земля** кровь твою честную прият, пролившу-

юся за Христа, / Небеса же дѹшу, якоже невесту  
украшену, / мучеников же лицы и праведных  
всех дѹси радостію сретѡша тя, мучениче.

**О** душі твоея Боголюбивыя, / смерть привре-  
менную в ничтоже вменившая, / но еже жити в  
Господе избравшая! / О Божественнаго муже-  
ства, немужества врагов крепчайша! / Не испове-  
дающих бо Христа обличил еси.

**Подвигом** твоим добрым подвизався, / течение  
истинно, мучениче, скончал еси, мудре, / и соб-  
люл еси твою веру; / прочее тебе венец правды  
лежит, егоже тебе подаст Христос во веки.

**Богородичен:**

**Не** убоюся врагов ловлений, Ты имея помощь, /  
не убоюся злых, к Тебе притек,  
Богородительнице, / в Тебе бо хвалюся и в Тебе  
прейду, Чистая, стѣну греха, / спасся молитвами  
Твоими.

### Песнь 9

**Ирмос:** Яко сотвори Мне величия Сильный / и свято  
Имя Его, / и милость Его в род и род боящимся Его.

**Багрянницу**, от крове твоея очервлену, священ-  
но одеял еси / и, держа в деснице, якоже скиптр,  
крест, / царствуеши со Христом, Несторе бла-  
женне.

**Зрел** грозд явился еси лозы мысленныя, / точи-  
лы же мучения изгнется, / умиления нам вино  
источил еси, присно хвѡлящим тя.

**Ликуя** со Ангелы пред лицем Иисусовым и  
Славы насыщаяся Того, / творящих твою верно,  
Несторе, память честную присно поминай.

**Богородичен:**

**Света** явилася еси приятелище, / разорившаго  
мглу древняго неразумия истинно, / священія  
храм, златый светильник, Небес вѣвши, Чистая.

### Светилен.

**Подобен:** Женѣ, услышите:

**Безбожнаго** величание и вражюю гордыню /  
Креста силою и молитвами Димитрия, славнаго  
мученика, низложил еси, / पहले, Несторе, стра-  
сти победив, / и мученик изряден явился еси  
Христов, мудре страдальче.

Слава, и ныне, Богородичен:

**Я**ко оружие непобедимое и стѣну необориму, /  
и столп всякия крепости, и спасения  
пристанище, / и Божественное основание  
воистинну, / и мост, преводяй от земли к  
Небесным, / поем Тя, Богородице, Тобою спаса-  
емии.

На Литургии: прокимен, глас 4: Святым, иже суть на  
земли Его, удиві Господь вся хотения Своя в них. Стих:  
Предзрех Господа предо мною выну: Апостол к Ефесеом,  
зачало 233. Аллилуия, глас 4: Возваша праведнии, и  
Господь услыша их. Стих: Многи скорби праведным:  
Евангелие от Луки, зачало 106. Причастен: В память вечную:

В  
ТОЙЖЕ  
ДЕНЬ



**Преподобнаго Нѣстора Летописца,  
в Ближних пещерах почивающаго**

**НА ВЕЧЕРНИ**

На Господи, возвах: стихиры, глас 4.

Подобен: Яко дѣбля:

**В**ремена и лета достопамятных деяний, / под-  
виги и труды Богоносных отец, / Несторе бла-  
женне, написуя, / любовь возгорелся еси ко  
умному желанию / и, яко добр ученик показався, /  
последовал еси стопам первоначальных; / еще же  
в жизни сей избрал еси часть благую, / сущую и  
ныне с тобою. / Той и нас причастники сотвори  
молитвами твоими, / усердно поющих память  
твою.

**С**ловесі Божественных писаний, / подвиги Ан-  
гельски поживших в книгу неленостно написуя, /  
написал еси в книзе сердца твоего память буду-  
щаго воздаяния, / тем имя твое имаши написано в  
Книзе Животней; / но, о блаженнейший отче,  
моли о нас, / да и мы обрящемся в Книзе Живот-  
ней написанни, / чтущии твоя любвѣ воспомина-  
ние.

**П**ремудрости духовныя разум имети хотя,  
преподобне, / пришел еси к великим отцем, / от  
нихже научился еси Небесных разумений; / тем

Ангельски во плоти пожив,/ просиял еси, яко мысленное утро,/ и ныне, сын дне и причастник света сущи,/ не престаи, прилежно молящи от тли и бед избавитися/ верою поющим всечестную память твою.

Слава, глас 6:

Скрижалъ Духу Святому/ уготовав сердце твое, Несторе отче наш,/ душу твою украсил еси чистотою и смирением,/ избранием вольных нищеты,/ бдением, и послушанием, и молением непрестанным/ и написал еси тростию целомудрия своего,/ не от внешнего философии, но духовнаго разума,/ святолепная жития первоначальных отец Печерских,/ непрестанное желание имей к Богу,/ обрел еси, Егоже искал./ И ныне, яко сцарствуя Безконечному Свету,/ моли спастися душам нашим.

И ныне, Богородичен или Крестобогородичен.

На стиховне в Октоихе.

Слава, глас 5:

Пророческое рече́ние исполнил еси, Несторе преподобне,/ возвещая нам писанием дела Божия,/ глаголя с Давидом в псалме:/ помянух дела Господня и от начала чудеса Твоя, Боже,/ яже в начале обители Твоея Матере видево, почудихся,/ познанны творю последнему роду/ в преподобных силу Твою:/ сию мы от твоих писаний, преблаженне, увидевше,/ лобызаем труды твоя,/ ублажаем песньми память твою,/ и в Вышних Сущему псаломское пение приносим:/ Ты еси Бог, творяи чудеса.

И ныне, Богородичен по гласу  
или Крестобогородичен.

Тропарь, глас 4:

Великих князей русских деяния/ и преподобных отец Печерских жития и чудеса написавый,/ свое же, Богомудре Несторе, многих ти ради добродетелей имя/ написано на Небеси стяжавый,/ моли и нам написатися в Книги Животных.

Ин тропарь, глас 4:

Времена и лета достопамятных деяний,/ подвиги и труды Богоносных отец,/ Несторе премуд-



ре, написуя, / любовьию возгорелся еси последова-  
ти стопам первоначальных, / с нимиже не пре-  
стай молитися Христу Богу, / спастися душам  
нашим.

Канон преподобному, глас 4.

Песнь 1

**Ирмос:** Лицы Израильстии / невлажными стопами /  
понт Чермный и влажную глубину прогнавше, / всадники  
тристаты враги видяще в ней погружены, / с веселием  
пояху: / поим Богу нашему, яко прославися.

Лицы иночестии, в летней памяти Богоносна-  
го отца стецйтеся усердно к святей пещере / и,  
любвию кланяющесе раце мощей Нестора  
любомудраго, / воспойте Богу, яко во святых  
Своих славно прославися.

Ликом иноческим сочетаяющуся и в днешний  
день память твою воспети дерзающу, / мне, паче  
всех грубейшему, молитвами твоими способ-  
ствуй, Несторе святе, / Бог бо в тебе дивно  
прославися.

Ликом Ангельским причтен быти хотяй, / ли-  
ком равноангельным во плоти причтался еси,  
отче, / от нихже Ангельскому житию научився,  
возшел еси к умному желанию: / темже ты чтим,  
яко Бог в тебе дивно прославися.

Богородичен:

Лики святых и преподобных отец с лики  
Ангельскими предстояще, / славите Рождшую  
всех святых Святейшее Слово; / славити же  
днесь Божию Матерь и нам земным помозите, Та  
бо от всех дивно прославися.

Песнь 3

**Ирмос:** Лук сильных изнеможе, / и немощствующии  
препоясашася силою: / сего ради утвердися в Господе  
сердце мое.

Предложение твоего ума бе, аки лук напря-  
жен, отче, / живый бо во юдоле сей плачевней,  
восхождение имел еси в сердце своем выну к  
Богу; / и мне убо, жизнь свою ведущу выну в  
печалех, Несторе, / помози, моляся о мне, да  
возвеселится о Господе сердце мое.

Седьмнадцатолетен сый, мысленне приял еси  
мужа совершенна возраст: / просиял бо еси, аки

в старческих сединах, дѣлы благими, / сия и во мне исправи, блаженне, и возвеселится о Господе сердце мое.

**Чистоту и смирение глубоко к нищете прием, / возлетел еси, святе, аки крилома, на гору иноческих добродетелей; / отнюдуже, усмотрив во мгновении ока преходящ мира сего образ, / и паче в любовь Божию вперил еси сердце твое.**

**Богородичен:**

**Сад чистоты Рождшая, плодом сего, верующих Тя быти Матерь Божию, напитала еси обильно; / и мне убо, верою поклоняющемуся Тебе, Богоневестная Дево, / даждь от сего плода понѣ мало вкусити, / да печальное возвеселится сердце мое.**

**Седален, глас 4:**

**От великих отец управлен в благия нравы / и в юности весь Бѳгови присоединився, / плотскія похоти умертвил еси пощѣнием крѣпким, / дух оживил еси надеждою благ вечных; / Ангельски на земли пожив, / со Ангелы ныне водворяешися, / тем тя почитаем, Несторе блаженне.**

**Слава, и ныне, Богородичен:**

**Страшных чудес несказанный образ вижду в Тебе, Пречистая Дево, / яко Бога зачала еси и Необымѣннаго объяла еси утробою Твоею, / но какова се бысть тайна, не испытую, / паче же верую и со страхом ублажаю Тя, поющи: / радуйся, Бога Невместимаго пространное селение.**

**Песнь 4**

**Ирмос: Услышѣх славное смотрение Твое, Христе Боже, / яко родился еси от Девы, / да от лести избавиши зовущия: / слава силе Твоей, Господи.**

**Услышав славная и предивная на горе Печѣрской, пришел еси тамо, преподобне, / и, видев с огнем и росю низходящую благодать Божию в начале основания церкви, / юн еще сый, со старцы воспел еси: / слава силе Твоей, Господи.**

**Большую и совершеннейшую в души твоей скинию творя Духу Святому, / любезным восприятием заповеди от Богоносных отец позлатил еси ону, Несторе святе: / тем, яко в красный чертог,**

прииде и обитель в тебе сотвори Отец с Сыном и Духом.

**Аки** сладкое млекó, учение отец Богоносных прием, слово делом исполнил еси, блаженне, / и исполнен был еси Вышняя Премудрости, юже и мы от писаний твоих чтуще, / увеселяем души наша ведением на сих горах бывшия Божия благодати.

**Богородичен:**

**Сладкое** млекó покаяния и нектар Небесный умиления / песни любовью Тебе приносящим, подаеши, Чистая Отроковице, / яже и аз, страхом одержим, любовь же движим, приношу Ти, Владычице, и молю: / услади сердце мое, Сладкаго Иисуса Христа моего рождшая.

**Песнь 5**

**Ирмос:** От света пресекий Первородный Свет, / яко во свете дела поют Тя, Христе, Содетеля, / во Свете Твоём пути наша направи.

**От** света лестнаго любвѣ удалився, / желанием вождедел еси, Несторе, великих отец стопам, нравом и учениям последовати: / сим даждь и нам прилежати, и во свете деяний оных молитвами твоими пути наша направи.

**Глубоким** смирением огражден сый, преподобне, / высотю тщеславия ходящаго врага низверг, ногами попрал еси; / ходатайством твоим к Богу, отче, даждь и нам смирение и во оном стопы наша направи.

**Ангельски** жизнь свою управльша, вси ты, аки Ангела Божия, имѣяху; / тем и на диаконский степень взѣти сподобился еси, в немже добре шествие свое управив, / и наша пути во святыни, Несторе, управи.

**Богородичен:**

**Путь** рождшая Жизни, Всесвятая Дево, / стезями соблазн ходящих яко Милосердая наставляеши на стези правды; / и мене, заблуждающаго, Владычице, не презри, / но яко рождшая Наставника заблуждшим, во Свете Его пути моя направи.

**Песнь 6**

**Ирмос:** Внегда скорбѣти ми, / возопих ко Господу, / и услыша мя Бог спасения моего.

**В** преподобии и правде чин свой управляя, храм Духу Святому весь сотворился еси, / и, вшед в храм нерукотворенный, Престолу Вышняго предстоиши; / и мне, хотящему быти тамо, молитвами твоими, отче, помози, / молю тя, молитвенника спасения моего.

**Краснаго сада Делателя Небеснаго красное** был еси прозябение, / красными бо дѣлы украшен, благия плоды, ихже ныне благоухание обоняем, возрастил еси; / молю убо тя, блаженне, подаждь сия в дар и мне от Бога Спаса моего.

**От труда подвѣгов твоих, Несторе преподобне,** многия излив пѣты, напоил еси ниву души твоя / и, израстив добродетелей класы, пожинаеши ныне рукояти, живый во веки в Небесных крѣвех; / в нихже и мне быти моли Христа Спаса моего.

**Богородичен:**

**Насѣянная Духом Отчим землѣ святая,** радуйся, яко прозяблѣ еси нам Древо благосеннолиственное; / зноем мя страстѣй опаленна под сень онаго приведи, Владычице, / молю Тя яко Ходатаицу спасения моего.

**Кондак, глас 2:**

**Яко сый Богоноснаго Феодѣсія ученик / и истинный жития того подражатель, / первый честных его мощей самовѣдец** быти сподобился еси, / яже с прочиими святолепно пренес, / наследил еси с темиже Царство Небесное, / еже получитьи и нам, чтущим тя, Господеву молися.

**Песнь 7**

**Ирмос:** Авраамстии иногда в Вавилоне отроцы / пещный пламень попраша, / песнями зывающе: / отец наших Боже, благословен еси.

**Авраамовым стопам последуя, святе,** исполнением заповедей принесл еси, якоже он Исаака, чист ум Владыце, / сего ради от жизни сей прешел еси в землю, точащую безконечную сладость, / идеже и мне моли быти, Несторе, собеседниче Богоносных отец наших.

**От страстнаго мира сего преставлься, прешел еси в безстрастный мир, / идеже в мире с сынами мира живый, и нас, в мире сем сущих, не**

отступай, / моля Творца своего, да сопричастницы тебе будем, поюще: / Боже, благословен еси.

**Не** уклонил еси сердца своего в слова лукавствия в жизни сей многомятежней, преподобне, / тем и воздушных духов лукавствия безмятежно прошед, к Небесным вратом доспел еси: / яже и нам отвёрзти потщися молитвами твоими, да и мы с тобою поем: / Боже, благословен еси.

**Богородичен:**

**Уклонихся** от стези правды и не хождах ногама моима на пути правы, / но на стремниах страстей заблуждающе, уязвix плесне мои тернием греха, / обаче и храмляя, притекаю к Твоей благодати и молюся: / Владычице, исцели мя, Ты бо еси души моя врачевание.

### Песнь 8

**Ирмос:** В Вавилоне отроцы / Божественною распалаеми ревностию, / мучителя и пламене прещение мужески попраша, / и посреде огня ввержени, орошаеми, пояху: / благословите вся дела Господня Господа.

**Силою** духовною укреплен, прелетел еси, Богомудре, крилома твоих добродетелей к Горним, / и по летех сих живеша ныне, идеже лета не оскудевают, / к нимже и нам доспети моли, поющим: / благословите вся дела Господня Господа.

**От** дому Божия Матере прешел еси, Несторе, в Дом Божий, всесветящийся Иерусалим, / и, Ангелом в числе граждан Небесных сожительствуя, ходатайствуй и нам темже причтенным быти, / в памяти твоей поющим песнями Господа.

**Троицен:**

**Троическое** Едино Естество: Отче, и Сыне, и Душе Святыи, Едино Царство, силу и власть имущее, / нас от власти князя тьмы избави, молитвами Богоносных отец наших Печерских, / с нимиже и Нестора приводим Ти в молитву днесь, / благословяще Тя во веки, Господа.

**Богородичен:**

**Троическому** предстоящи Престолу, Мати Деве, и славу Триипостаснаго Божества выну зрящи, / молися за ны грешныя, да и мы Небесныя

Славы не лишимся, / песньми Тя славяще и из Тебе рождшагося Господа.

**Песнь 9**

**Ирмос:** Рождество Твое нетленно явися, / Бог из боку Твоею прѣйде, / яко Плотносец явися на земли / и с человеки поживе, / Тя, Богородице, тем вси величаем.

**Отшел** еси в селения праведных и духом предстоиши Присносущному Свету; / призри убо на ны, живущия в сѣлех многомятежнаго мира, / и пособствуй сущим во бранех, Несторе блаженне, / яко песньми тя ныне величаем.

**С** нимиже любовь стяжал еси живѣй телом, с сими, и духом изшед, сожителствуеши не отлучен, / якоже показуют мощи твоя, преподобне, со святыми в пещере лежащия, / с нимиже предстани о нас молящися Богу, память твою величающих.

**Любит** милость и истину Господь, / и ты, преблаженне, подобяся Тому, милостивый буди ходатай о спасении нашем, / да тебе ради и мы, обретше благодать, не отпадѣм вечныя славы, / яко успение твое святое песньми величаем.

**Богородичен:**

**Любит** всех Владыка ходатайство Твое, Пречистая Дево, и молитвы Твоя о человечестем роде приѣмлет; / молися убо и о нас, рабех Твоих, Всецарице, да уллучим милость в день Судный, / выну бо Тебе яко Ходатаицу, кланяющесе, величаем.

**На стиховне в Октоихе.**

**Слава, глас 2:**

**Предочистився** иноческими деянии, преподобне, / сосуд чѣстен сотворился еси Духа Святаго: / от Негоже приял еси благодать неоскудну / всем, с верою к тебе притекающим, пособствовать в скорбех. / И ныне убо нам, к раце мощей твоих припадающим, / помощник неотступен буди, / пособствуя невидимо на борющияся с нами, / и моли Творца всех и Бога / подати нам грехов прощение / и милость уллучити в день Судный, / блажащим память твою, Несторе Богомудре.

**И ныне, Богородичен или Крестобогородичен.**

В  
ТОЙЖЕ  
ДЕНЬ



**Святаго благовернаго князя  
Андрѣя Смолѣнскаго,  
Переяславскаго чудотворца  
НА МАЛОЙ ВЕЧЕРНИ**

Стихиры на 4, глас 8:

**Преблагѣнне княже Андрѣе,** / от юности потщ́ался еси непорочно ст́ати в день Судный, / отр́инув всякая сладостра́стия, / и труды́ и терпением собрав богатство духовное, / просветил еси душевную свещу́ твою / и, радуясь, к Богу востѣкл еси: / Емуже предстоя, моли спастися душам нашим.

**Богоблагѣнне княже Андрѣе,** / возненавидев вре́менная Царствія ради Небеснаго, / плотскія страсти умертв́ил еси духом. / Богоугодно же подвизався и вражия ко́зни попр́ав, / на высоту добродетелей востекл еси / и от земли́ к Богу преставился еси, / победы венец от Него воспр́им: / Емуже с лики праведных предстоя, / моли спастися душам нашим.

**Богодуховенне княже Андрѣе,** / потщ́ався побед́ити се́ти лукаваго, / вводящия в неверие и слабости всех прелестей мира сего, / дарование Святаго Духа воспр́иял еси: / показався же юр́од быти миру, но Христу мудр быв, / подвизался еси Царствія ради Небеснаго, еже и достигл еси. / И ныне со Ангелы ликовству́я, / Спасу молися спастися душам нашим.

Слава, глас 8. Самогласен:

**Возлюбив Небесная и возненавидев земная,** / за умѣты вся вменил еси, тесным и скóрбным шествуя путем, / побед́ил еси стра́сти мира сего, / в терпении и страдании храбр воин яв́ився, / разор́ил еси вся хитроплетѣнныя ко́зни вражия, / почѣрп же желание от источника благодатнаго / и всесовершенно Божией во́ли себе предлож́ив, / возымел еси, княже Андрѣе, дерзновение ко Христу Богу, / Егоже моли помиловати души наша.

И ныне, Богородичен:

**Небесная поют Тя,** / Обрадованная Мати

Безневестная, / и мы славословим неизслéдованно Рождество Твое, / Богородице Дево, моли спастися душам нашим.

На стиховне стихиры, глас 2.

Подобен: Доме Евфрафов:

Дом чистоты, досточúдне Андрее, был еси, / пи́щи многия телеснаго добролю́бия / от младе́нства возненавидев, / будущия ради жизни.

Стих: Пра́ведник, яко фи́никс, процветёт / и яко кедр, иже в Ливане, умножится.

Дом Духа Святаго был еси, / святе княже Андрее, / дом бо родителей оставив, / жилища Небесная получил еси, / идеже со Ангелы ликовствуеши.

Стих: Насаждени в дому Господни, / во дворех Бога нашего процветут.

Дом Христова благодая́ния, Богодухнове́нне, был еси, / богатство бо сокрове́нно в души́ имел еси. / Сего ради лучи́ светлыя благодати / возсиява́еши душам нашим.

Слава, глас 5:

Приклонил еси главу́ твою / от юности твоея́ к Божественному званию, / преблаженне княже Андрее, / и, взем крест, последовал еси Христу: / расто́ргнув сети вражия / и попра́в всю гордыню его, / разум прав стяжал еси, / посреде́ же молв живы́й / и с до́льными ходя́й плотию, / духом всегда Го́рняя видети желал еси / и скоро востекл еси к венцу вы́шняго звания: / моли спастися душам нашим.

И ныне, Богородичен:

Блажи́м Тя, Богородице Дево, / и славим Тя ве́рнии по до́лгу: / град непоколеби́мый, стéну необори́мую, / твердую Предстательницу и Помощницу, / и прибежище душ наших.

Таже Ныне отпускаеши: Трисвятое, и по Отче наш: тропари святаго, писаны на благословении хлебов.

НА ВЕЛИЦЕЙ ВЕЧЕРНИ

Блажен муж: первый антифон.

На Господи, воззвах: поем стихов 8, глас 1.

Подобен: Небесных чино́в ра́дование:

Ра́йския добро́ты сматря́я, / земныя добро́ты возгнуша́лся еси, / блаженне княже Андрее, / воз-



желав житія Небеснаго, / еже и получил еси: / моли спастися душам нашим.

Разумом Богомудрым отечество твое оставил еси, / странствуя телом на земли, / Небесная духом взирал еси, / ихже и достигл еси, / моли спастися душам нашим.

Земнаго чертога лишён был еси, / получив житие Чертога Небеснаго, / с Вышними лики Троице предстоиши, / Юже о нас моли, княже Андрее Богоблаженне, / твою святую память почитающих.

В дому чюднаго Николая странно водворився, / Божественному престолу непорочно послужил еси, / и Небеснаго Престола стояние получив, / невечерним Светом обогатился еси, / просвети убо нас, творящих святую память твою.

Ины стихиры, глас 8. Самоподобен:

Преподобен и праведен, / чёстен же и Божествен светильник явился в Россійстей стране: / сия бо в Богоспасаемом граде Переяславле чудесы, / многия страсти и недуги отгоняя, / всех верных исцеляет Богомудрый Андрей / и молится Господеву / помиловатися душам нашим.

Иго Господне от юности взял / и крест терпения на себе возложив, / Евангельски Христу последовал еси / и, в мире жителствуя, / Божественная во сто трудов у плодоносил еси. / И был еси светильник, сияя граду твоему чудесы, / егоже от враг видимых и невидимых невредим сохраняй / и молися Господеву / помиловатися душам нашим.

Богомудренно прешел еси телесную тесноту / с кротостию духа и смиренным терпением, / ныне же сияеши многими чудесы, / преславная всем верным подай исцеления, предстоиши бо Престолу Владычню, / блаженне княже Андрее, / и молишия помиловатися душам нашим.

Страннолюбив и уветлив, / якоже древле Авраам Вышняго доиде светлаго селения, / в немже, блаженне княже Андрее, / предстои, сияеши, яко солнце. / Темже и нас просвети, / ныне чтущих пресветлое твое торжество.

## Слава, глас 8:

**Приидите, вси вернии христиане, / согласно  
ублажим и достойно почтим / блаженного  
Андрея, Богомудраго князя Смоленскаго, / еже бо  
измлада подвижався, / добродетели прилежа, явил-  
ся сосуд Пресвятаго Духа, / и ныне точит нам  
непрестанно многая исцеления: / темже с верою  
вси приходяще к нему / и похвальная вопиюще,  
сице глаголем: / радуйся, земный Ангеле и Небес-  
ный человече; / радуйся, светильниче пресвет-  
лый, осияваяй град Переяславль чудесы  
твоими. / Темже молим тя: / не престай молити  
Христа Бога / о совершающих и чтущих верою и  
любовию / приснорадостную и всепразднствен-  
ную память твою.**

**И ныне: Богородичен: Царь Небесный за человеколю-  
бие: Также вход, прокимен дне. Чтения три, преподобническая  
(зри страницы 791—792).**

## На литии стихиры, глас 2:

**Тесным и прискорбным шествовал путем, /  
достигл еси Райския широты, / ныне же наслаж-  
даешься Небесныя пищи, / и венцем страдания  
венчаешься от руки Вседержителя. / Егоже моли,  
блаженне княже Андрее, / о еже сохранитися  
граду твоему от враг ненаветну / и душам нашим  
даровати велию милость.**

**Легкостию крил прелетев от многомятежнаго  
мира, / в небурное и тихое пристанище достигл  
еси, / заступая от напастей вся призывающия тя  
верно: / покрывай убо и нас, притекающих в  
храм твой, / преблаженне княже Андрее, / и спаси  
стадо твое, ко Господу молитвами твоими.**

**Яко солнце светозарное, / добродетельнаго ра-  
ди твоего жития всюду просиял еси: / грады же  
Смоленск и Переяславль, ихже прославил еси, /  
трубы велегласнее вопиют, проповедуя, / имуще  
тя процветша чудес источника неисчерпаемаго /  
и изобильно всем подающа различна дарования  
чудес. / Темже молим тя, преблаженне и чудоточе  
княже Андрее, / испроси молитвами твоими у  
Христа Бога, / еже даровати пособие на  
варвары, / и нам, иже твое усение честно**

празднующим, / очищение и спасение душ наших.

Слава, глас 8:

Добродетелей твоих, Богомудре, / исправления уясниша верных сердца, / кто бо слышав безмерное твое смирение, / терпению не удивится, / еже ко всем кротость и беззлобие, / к скорбящим милование, / к сущим в бедах скорое поможение, / к путешествующим благое поспешение / и к плавающим немятежное отишие. / Всех во всем предваряеши, досточудне Андрее, / и ныне неувыдаемым венцем венчался еси / от руки Вседержителя Бога, / Егоже моли помиловаться душам нашим.

И ныне,  
Богородичен:

Владычице, прими молитвы раб Твоих, / и избави нас / от всякия нужды и печали, Тебе величающих.

На стиховне стихиры, глас 4.

Подобен: Яко дбля:

Яко дом душевный явился еси во граде Переяславле, / светящийся благодатию, и чудесными деяниями просвещая всех, / и сохраняя невредим свой град от всех навет вражиих, / спасая же верных / ко Господу молитвами твоими.

Стих: Честна пред Господем / смерть преподобных Его.

Добродетельным твоим житием мир презрел еси, / чувственные страсти и телесные победил еси, / воздержания бродами вся плотская желяния духу повинул еси / и приял еси наследие вечнаго блаженства, / Богомудре княже Андрее пребогате, / молитвенниче о душах наших.

Стих: Что воздам Господеву о всех, / яже воздаде ми.

Исцелений дарования источают, славне, твоя мочи / чествующим тя усердно, / потопляюще страсти и врачующе недуги, Андрее, / и разоряюще лукавых демонов толпы, / напаяют же верных сердца, / иже прозябают добродетелей плоды Божественныя / и благочестия разумения: / моли спастися нам.

## Слава, глас 6:

**Приидіте, Христолюбівии лóдие, / добрый пóдвиг и праводúшие созерцаем в благоверии княжеском: / нас бо ради обнищавшему Христу пострадá плотию, / крест терпения восприім, победу на всю силу дéмонскую содéла, / свобождая и нас от страстей, / темже слáвяще его, похвáльная сія принесém: / радуйся, воздержания наставниче, / терпения твѣрдыи стóлпе, простоты сокровище, / молчания хранителю и смирения учителю, / усердно днесь в памяти твоей просим: святе Андрее, великий княже, / молися вѣну о утверждении благочестия, / миру же мир даровати / и душам нашим велию милость.**

**И ныне, Богородичен: Творец и Избавитель мой: Таже: Ныне отпускаеши раба Твоего, Владыко: Трисвятое, и по Отче наш:**

## Тропарь, глас 8:

**Блаженство Евáнгельское возлюбив, / Богомудре княже Андрее, / чистоту сѣрдца дѣвством почтил еси / и, суету мѣра сего презрев, / устремился еси зрѣти Бóга, / Иже тя прослави чудесы / во врачевании различне страждущих. / Сего ради молим тя: / проси нам у Христа Господа / всяких скорбей избавления / и получение Царства Небеснаго.**

## Ин, глас 2:

**Град твой Смолѣнск яко чужд имѣя, / водворился еси во граде Переяславле, / и в дому святителя Николая / жестоким житиѣм временную жизнь совершив, / востекл еси в Горняя предстояти Христу, / Егóже моли о творящих память твою, / да вси вопиѣм ти: / радуйся, святе княже Андрее, / Ангелом собесѣдниче и человеком помощниче.**

## Ин, глас 4:

**Возвѣсився на добродѣтель / и, очистив ум свой, к желанію прекрасному достигл еси, / безстрастіем украсився своим пощѣнием изрядно, / в молитвах безплóтно вознесѣся / и возсия в мѣре, яко сóлнце, во граде Переяславле, / óтче преблаженне, святе княже Андрее Смолѣнский, / моли спастися душам нашим.**

## НА УТРЕНИ.

На Бог Господь: поем тропари святого, оба по единожды.  
Слава, и ныне: Богородичен: Вся паче смысла:

По 1-м стихословии седален, глас 4:

Все плотское мудрование умертвил еси, / блаженне княже Андрее, / и худшее покорил еси лучшему, / и вся, яже в мире злострадания, претерпел еси усердно, / возсияв яко солнце лучами добродетельными, / полки же бесовския мужески победил еси. / Тем твою память присно восхваляем верно.

Слава, и ныне, Богородичен:

Обновила еси, Чистая, Божественным Рождеством Твоим, / истлевшее страстьми земнородных мертвенное существо, / и воздвигла еси вся от смерти к жизни нетления: / темже ты по долгу блажим вси, Дево Препрославленная, / якоже прорекла еси.

По 2-м стихословии, седален, глас 8:

Твердаго адаманта и столпа, непоколебимаго вражиими прилоги, / Богоноснаго и блаженнаго князя Андрея песнями почтим, / терпением бо войстину посрамил есть сопротивнаго врага / и без вести его сотворил есть. / И ныне молим: / да избавит верою чтущих память его, / моляся о спасении душ наших.

Слава, и ныне, Богородичен:

Ужасно чудо зачатия / и несказанен образ рождества / в Тебе познася, Чистая Приснодево, / ужасает мой ум и удивляет помысл, / слава Твоя, Богородице, всем распростресея / во спасение душ наших.

По Хвалите Имя Господне: поем величание святому:

Ублажаем тя, / благоверный великий княже Андрее, / и чтим святую память твою; / ты бо молиши за нас / Христа Бога нашего.

Псалом избранный: Терпя потерпех Господа:

По полиелеи седален, глас 1:

Погребл еси страстей все востание умерщвлением плоти, / преблаженне княже Андрее, / жизнь безконечную по смерти приял еси: / темже днесь Христова Церковь весело празднует твою достоудную память, верных украшение.

Слава, и ныне, Богородичен:

**Настáви ны на путь покая́ния, / уклоня́ющияся  
всегда к злым безпу́тием, / и Преблага́го прогнев-  
ля́ющия Го́спода, Неискусобрачная Благословен-  
ная Марие, / прибѣжище отча́янных челове́ков,  
Божие селе́ние.**

Степенна, 1 антифон, 4 гласа. Прокимен, глас 4: Возвеселится праведник о Господе / и уповает на Него. Стих: Услыши, Боже, глас мой, / внегда молитимся к Тебе. Таже: Всякое дыхание да хвалит Господа. Стих: Хвалите Бога во святых Его, / хвалите Его во утверждении силы Его. Евангелие от Матфея, зачало 43.

По 50-м псалме стихира, глас 6:

**Челове́че Божий и кня́же чу́дный! / Ты, воз-  
ше́д на ле́ствицу добродетелей, / возше́л еси по  
ней к Го́рнему Иерусали́му / и та́мо узре́л еси  
желаемаго Христа, / Его́же ра́ди плоть твою́ изну-  
ри́л еси / и тело ме́ртвенное на безме́ртную  
Жизнь изменил еси, / о нас непрестанно моли́ся, /  
дарова́ти душам нашим мир и велию́ милость.**

Ина стихира, глас тойже:

**Мона́хов мно́жества / наставника ты  
почита́ем, / отче наш кня́же Андре́е, / тобою бо  
путь су́щий пра́вый ходи́ти уве́дехом, / блаже́н  
еси, яко Христу рабо́тав / и вра́жию обличи́л еси  
си́лу, / Ангелом собесѣдник быв / и святым едино-  
кро́вниче и преподобным, / с ними же моли́ся  
Го́сподеви / помиловатися душам нашим.**

Канон Богородице, со ирмосом на 6,  
и святаго два канона на 8, глас 8.

Ему́же краегра́не́сие сицевó: Молитвами твоими подаждь ми Христа благоуве́тлива бѣ́ти, блаженне.

Песнь 1

**Ирмос: Во́ду проше́д яко су́шу / и египетскаго зла  
избежа́в, / израильтянин вопия́ше: / Изба́вителю и Богу  
нашему по́йм.**

**Припев Сладчайшему Иисусу: Милостиве Госпо-  
ди, услы́ши молитву раб Твоих, молящихся Тебе.**

**Приими́ песнь усте́н моих, Человеколю́бче  
Господи, / и подаждь отверзе́ние усто́м моим и  
уму́ просвещение, / да возмогу воспети уго́дника  
Твоего, князя Андре́я предивнаго.**

**Припев святому: Святы́й благоверный кня́же  
Андре́е, моли Бога о нас.**

**От Смоленска града возсия́в, яко солнце, /**

дошел еси града Переясла́вля, / грехми́ омраче́нную мою́ ду́шу плодоно́сну яви́ Влады́це, / Емуже моли́ся приле́жно о верно́ почитающих твое́ успение, свя́те кня́же Андре́е, и ты́ воспевающих.

**Житейскую** и временную славу возненави́дев и по узкому́ пути́ вожделе́в ходи́ти, / устрани́лся еси́ во́лею мира́ сего́ и Вечное́ Царствие́ прия́л еси́, блаженне́ кня́же Андре́е Смоленский. / Темже́ в Вы́шних, ра́дуясь, поеши́ Го́сподеви: / сла́вно бо просла́вился.

**Ни** богатство, ни сла́ва, ни сла́дость жите́йская, ни телесная́ красота́, / яко́же Павелъ написа́ет, разлучи́ша тебе́, свя́те кня́же Андре́е, от любве́ Божи́я, / в нейже́ ны́не моля́ся за ны́ Влады́це, пое́ши: / сла́вно бо просла́вился.

**Богородичен:**

**Востока** восто́ков понеси́, / омраче́нна мя су́ща грехо́вными страстьми́ просвети́, Влады́чице, и Церкви́ соедини́, / подай же́ мир молитвами́ Твоими́ и певцы́ Твоя́ сохрани́.

**Ин канон, глас 4.**

**Песнь 1**

**Ирмос:** **Моря** чермну́ю пучи́ну / невла́жными стопа́ми / дре́вний пешешествова́в Изра́иль, / крестообра́зными Моисе́овыми рука́ми / Амалікову́ си́лу в пусты́ни победи́л есть.

**Высо́ко** жити́е имѣя́ и восхожде́нии́ Боже́ственными́ весь́ све́тел быв, / просвеще́ние ми испроси́, похваля́юще́ честны́я твоя́ по́двиги, / ими́же до́бре пожи́в, получи́л, ихже́ надея́лся еси́, блаженне́ кня́же Андре́е.

**Мироуха́нная** любя́ учения́ и во чтении́ свя́тых Писаний́ упражня́ясь, / сласте́й уклони́лся еси́, блаженне́, смра́дных и безче́стных, / и облаговони́лся еси́, Боже́ственными́ дарова́ньми удобря́ясь.

**Дремание** ве́ждама от ду́ши, блаженне́, отгна́л еси́, бдя, / и Богу́ присоеди́няясь́ всенощны́ми сто́янии, / непрекло́нен ну́ждами естество́нными. / Темже́ ко Дню́ невечерне́му прешелъ еси́.

**Богородичен:**

**Яко** черто́г одушевле́нный Бо́жий, / кади́льницу́ разу́мнаго и светоно́снаго У́гля, / Приснора́до-

ванную блажим Богородицу, зовуще:/ радуйся, сего мира воззвание.

**Катавасия:** Отверзу уста моя:

### Песнь 3

**Ирмос:** Небеснаго круга Верхотворче Господи,/ и Церкви Зиждителю,/ Ты мене утверди в любви Твоей/ желаний краю, верных утверждение,/ Еди́не Человеколю́бче.

Небеснаго жития Превечнаго Христа славу возлюбив, блаженне,/ и быв совершен добродетелию, святе Андрее Смоленский,/ Христовою любовью разжигаем, мудре, мирская вся возненавидел еси./ Ныне предстоя Христу, поеши:/ несть свят, паче Тебе, Господи.

Иностранен являясь яко солнце во граде Переяславле,/ и в дому святителя и Чудотворца Николая мно́ги слезы и поты пролив,/ живый во плоти пел еси:/ несть свят, паче Тебе, Господи.

Утайвся сродства своего и княжества,/ странствовав, пришел еси во град Переяславль,/ Богу тако избóлившу, Иже умна тебе помощника и благодатию чудес обогати́ тя,/ яко Своего угодника, Ему́же поеши:/ несть свят, паче Тебе, Господи.

**Богородичен:**

Марие Владычице, Творца всяческих неизреченно и паче естества Христа рождающая,/ уязвленную страстью́ ду́шу мою исцели́,/ молю Тя, Едину Пречистую, яко да воспеваю Тя.

**Ин**

**Ирмос:** Веселится о Тебе Церковь Твоя, Христе, зовущи:/ Ты моя крепость, Господи,/ и прибежище, и утверждение.

Глаголом животочным внимая, испил еси воду спасения,/ возгнушався горькаго греха́, и поя глаго́лал еси Богу, княже Андрее,/ яко несть свят, паче Тебе, Господи.

Милование стяжал еси Хриstopодобно, раздал еси богатство требующим,/ Небеснаго богатства восхотев, еже и получил еси, вопия, княже Андрее:/ яко несть свят, паче Тебе, Господи.

Присвоився Зиждителю, любовью́ Божественною при́ял еси Небесное наследие,/ дрéва Живот-



наго получи́ти сподобился еси, блаженне, / благо-  
творением обожаяся и поя: / яко несть свят, паче  
Тебе, Господи.

**Богородичен:**

**С**у́щи Ангел честнейшая, Зиждителя бо Ангелов во Твою́ боку́ носила еси / и родила́ еси, Богомати, на избавление челове́ком, поющим Тя: / яко несть Пречистыя, разве Тебе, Владычице.

**Седален, глас 8:**

**У**дивися в мире житие́ твое, / преблаженне свя́те княже Андрее, / стра́stem бо поревновав Спа́са своего, / распя́лся еси миру, презря́ всю земну́ю сладость и славу. / Тем и венец сугуб прия́л еси от Подвигополо́жника Христа Бога, / Егоже моли́ о нас, творя́щих пречестну́ю па́мь твою́.

**Слава, и ныне, Богородичен:**

**С**е Тебе роди́ родо́в славосло́вят, якоже про-  
рекла́ еси, Отроковице, / Создателя бо всех была́ Божественный храм и палата, / в Нейже всели́ся Вышний и обложис́я плоти́ю, да спасет нас.

**Песнь 4**

**Ирмос:** Ты моя́ кре́пость, Господи, / Ты моя́ и сила, / Ты мой Бог, Ты мое ра́дование, / не оста́вь не́дра Отча / и нашу нищету посетив. / Тем с проро́ком Авваку́мом зову́ Ти: / силе Твоей слава, Человеколю́бче.

**Т**ы на зе́млю снизше́д неизрече́нно, Милостиве, / земны́я на Небо возве́л еси образом ницелю́бия и воздержания, имже препоя́сався уго́дник Твой, благоверный князь Андре́й Смоленский, / последова́ по стопа́м Твоим, Христе Боже наш, и вопия́: / силе Твоей слава, Человеколю́бче.

**Т**ве́рдым умо́м стал еси на правоте́ Богозна́ния, Богомудре блаженне княже Андре́е, / темже утвержда́й души́ наша в Господе наде́жду во всем полага́ти и вопи́ти: / силе Твоей слава, Человеколю́бче.

**П**о́хоть плоти́, по́хоть очей и гордость житей-  
скую презре́в, / утверди́лся еси в любви́ Иису́со-  
ве, блаженне княже Андрее, / тако и нам в то́ежде помощник бу́ди.

**С**ему́ вси возлю́бленнии поревну́ем князю́

Андрѣю Смолѣнскому, / устраниюще себе от всех земных похотей, гнева и ярости, в ярости бо душа погибает, / тем бо на Небо к Богу взыдем.

**Прилежную молитву сотвори за ны к Богу, святе княже Андрее, / пречестное постное течение совершити желаем и страсти Христовы, и Воскресение видети, / твоими молитвами да примем прощенье от всех грехов, / святе Андрее, княже Смолѣнский, Богоблаженне.**

**Богородичен:**

**Мати Богу, Ты Едина в женах Пренепорочная Дево, / молюся Ти: / ныне возведи от рова грехов моих, Пречистая, / и умоли Твоего Сына, / яко да помилует мя окаяннаго.**

**Ин**

**Ирмос: Вознесена Ты видевши Церковь на Кресте, / Солнце праведное, / ста в чине своем, / достойно взывающи: / слава силе Твоей, Господи.**

**Преселився, блаженне, от отечества твоего во град Переяславль, / в немже пребывая, плоть твою злостраданием изнурил еси / и временную жизнь на безсмертную пременял еси, / идеже ныне со Ангелы ликовствуеши.**

**Краснейш процвел еси, блаженне, яко крин, добродетельми в дому Божии, / наполнил еси свой град чудесы / и явился еси ходатай наш, святе, ко Господу молитвами твоими.**

**Содела тя Господь храм Пресвятому Духу, / душу бо твою чисто соблюде и доброю украсив в дому чуднаго святителя Николая, / с нимже, святе, о нас присно молися.**

**Богородичен:**

**Седяй на Престоле превознесенне, / яко Престол Ты имеа, Пречистая Дево, Марие, Богоневесто Владычице; / Херувимов бо честнейшая и Серафим славнейшая явилася еси, Чистая, / на руку бо Твоею почи препрославленный Бог наш.**

**Песнь 5**

**Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма окаяннаго, / но обрати мя и к свету заповедей Твоих / пути моя направи, молюся.**

**Невещественным житием возсияв паче солнца, / богатство тлеемое расточил еси убогим,**

по глаго́лу Псалмопевца, пра́вдою обогати́вся./  
Темже во Царствии Христове с лики святых  
весели́шися.

**Пощением** изрядно стра́сти плотскія  
умертви́л еси, святе княже Андрее,/ терпением  
бо твоим в ме́ру возраста совершеннаго разума  
житие достиже,/ в немже ныне Христу предстоя,  
о нас всегда моли́ся.

**Душе́ моя,** почто́ не ревну́еши святых жити́ю,  
но во гресѣх все жити́е изнури́ла еси?/ воспряни́  
и припади́ ко Творцу твоему, в покая́нии  
вопиющи:/ Боже, мольбами угодника Твоего, свя-  
таго князя Андрея, очисти ду́ши и телеса́ наша.

**Богородичен:**

**Во** страстѣх все мое жити́е аз, окаянный,  
изнури́в,/ умильно вопи́ю Ти, Богомати:/ спаси  
мя, окаяннаго, спаси,/ к Тебе бо прибе́гох, Спасе-  
нию рода человеческого.

**Ин**

**Ирмос:** Ты, Господи мой, Свет/ в мир пришѣл еси,/  
Свет Святы́й, обраща́яй из мрачна невѣдения/ ве́рою  
воспева́ющия Тя.

**Уподобился** еси распѣншемуся волею на Дре-  
ве Христу Богу нашему, всечѣстне,/ сраспѣнся  
Ему всяким воздержанием и многими добродѣян-  
ми.

**Уподобился** еси купцу́, и́щущему добраго  
бисера,/ иже обрѣт един многоценен, шед, не  
скрыл еси в песце́ жити́я сего,/ но умно́жив,  
тмоу талант возрастѣл еси, от негоже пода́еши  
дина́рь благодати неоскудно.

**Возшел** еси, Богомудре, на Небо, якоже Илия  
на колеснице, добродетельми твоими, Духом  
облегчаваем,/ ныне верных сохрани́ от всякаго  
искушения.

**Ныне,** преблаженне княже Андрее, Престо́лу  
Влады́чному и огнезра́чному предстои́ши,/ зряще  
на добро́ту неизречѣнную очищенным умом,/   
благодарственно моля́ся своему Влады́це.

**Богородичен:**

**Исцели́,** Чистая, недугующаго ума́ моего  
омрачѣние,/ праведнаго сего моли́твами,/ Ты бо,

Пренепорочная Владычице, породила еси Христа на спасение верных.

**Песнь 6**

**Ирмос:** Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих и услыши мя, / Боже спасения моего.

Волею нас ради обнищавшему Христу последовал еси, / Егоже ныне нищетою обогатився, святе княже Андрее, / оставил еси житие вредное и, славу мира сего презрев, / в мир Небесный радуясь прешел еси.

Человече Божий, Андрее чудне, / твориши бо чудеса с верою к тебе приходящим, и тебе тепле призывающим: / исцеляеши бо страсти и врачуеши болезни, и молишися о душах наших.

Даже до конца, княже Андрее, подвизался еси при храме святителя Николая, / идеже святыя твоя мощи преподобный Даниил Богоносный целы обрет, / престарелыма своим руками благоговейно осяза, / благоухание испущающих и болезни целящих.

**Богородичен:**

Недоумение предлежит ми от обышедших мя зол, Пречистая, / темже избави мя от них скоро, к Тебе бо Единой прибегах, Богомати, / Богоразумия светом одевающей.

**Ин**

**Ирмос:** Пожру Ти со гласом хваления, Господи, / Церковь вопиет Ти, / от бесовския крове очищшися, / ради милости от ребр Твоих / истекшею Кровию.

Непреткновенно шествуя стезями Божественнаго Разума, Богомудре, свыше наставляем, / яко из купины тебе возгласи Господь в мысли твоей, / и абие получил еси страстей свобождение силою Духа.

Немокренно преплыл еси жития сего свирепую пучину, в нейже погрузил еси главу пагубнаго змия, / твой же, блаженне, корабль направляем рукою Держащаго вся, / Иже учит человеки не уклоняться к падению Адамля злаго нрава греховна.

Источник приснотекущий явился еси, блаженне, / чудесную благодать источающ и недуги от человек отгоняющ, / державу вражью и

силу низложил еси, / и почести победы венец от руки Божия приял еси, пребогате.

Спаси нас молитвами твоими, святе княже Андрее, верою творящих память твою, / и от всех бед сохрани град свой невредим от всякаго зла, / и от нахождения иновѣрных, и междоусобных брани тебе воспевающих.

**Богородичен:**

Господь Сил с Тобою, Пречистая, / якоже избѣдил еси, быв Отроковице, / всех нас от области льстиваго ходатайством Твоим избавил еси: / темже Тя по долгу родов родов присно ублажают.

**Кондак, глас 8:**

Насажден во двѣрех Господних, / своими преподобными дѣтелями / в дому святаго Чудотворца Николая / красно процвел еси, / мира красоту и славу сего света ни во что вменив, / Единого Христа возлюбил еси; / слез твоих течением напаяем, / уязвился еси желанием будущих даров. / Темже зовем ти: / радуйся, святе княже Андрее Смоленский, / граду Переяславлю похвало / и всей Россійстей земли великое утверждение.

**Икос:**

Человек убо бысть естеством, но явися согражданин и собеседник Ангелом, / на земли яко безплотен пожив, плотское все помышление отвѣргл еси, / темже и мы, земнии, зовем ти, глаголюще: / радуйся, отца благочестиваго сыне; / радуйся, от матери родивыйся благоверный; / радуйся, яко от юности последовал еси Христови; радуйся, яко увядил еси вся плотския страсти; / радуйся, яко пришествием твоим град Переяславль освятивый; / радуйся, яко в нем житием твоим путь нам ко спасению показавый; / радуйся, яко чудесы твоими вся люди удивляеши; / радуйся, яко честная твоя благодать токи целѣб изливает; / радуйся, православным людем похвало и верных хранителю; / радуйся, теплый наш предстателю и от всякия скорби избавителю; / радуйся, святе Андрее, великий княже Смоленский, / граду Переяславлю и

всей Россійстей земли похвалó и великое утверждение.

### Песнь 7

**Ирмос:** От Иудеи дошедше óтроцы / в Вавилóне иногдá / véрою Трóическою пламень пéщный попрáша, поюще: / отцév Боже, благословén еси.

Себе потайв и никймже знаём, / град Переяславль вельмй возлюбил еси, егоже пришествием твоим освятил еси, / в немже пребывая и плоть твою изнуряя, пел еси: / отец наших Боже, благословен еси.

Тридесатолётное поприще на земли жития твоего совершая / и при храме Божественнаго Престола пребывая, / плоды достóйны Христу сотворил еси, Богомудре княже Андрее, / отнюдуже вселився в вечныя Крóвы, / земным мир подаéши, идеже зрйши Троицы Свет нераздельный.

Измлада прилежав Вседержителю / и возрев неуклонно на высотú разума, постигл еси мудрости глубинú, / и дарованием чудес обогатился еси, Богомудре княже Андрее: / темже избавляй нас от бед ко Господу молитвами твоими.

Юность и красотú, и похоти плотскія возненавидев, и по узкому путí вожделév ходити, / страстьми обложився и воинство восприим Безплотных сил, / с нимиже предстою у Престола всех Царя Христа Бога, восприял еси славу вечную на Небесí, / темже за ны помолйся, святе преподобне княже Андрее, поя: / отец наших Боже, благословен еси.

#### Богородичен:

Егоже родила еси Господа, Владычице Чистая, / не престай молящи Сына Твоего, / изъяти мя присно от враг оскорбляющих, и тяжкое бремя грехов моих расточи, Богоневесто, / яко да, радуясь, вопию: / Благословен, Пречистая, Плод чрева Твоего.

#### Ин

**Ирмос:** В пещи Авраамстии óтроцы персидстей, / любовию благочестия пáче, / нежели пламенем, опаляеми, взывáху: / благословén еси в храме Славы Твоея, Господи.

Прошел еси мужественно плотское мудровá-

ние постом крепким и умом смиренномудрым, / крестным ору́жием победил еси гордаго зм́я лукаваго, княже Андрее пребогате, / на негоже и нам б́уди помощник.

**Я**ко красен яв́ися в дому́ святителя и Чудотворца Николая, / потайв себе и народу переяславскому незнаем быв, / град же Переяславль Божиим Промыслом вельми возлюбил еси, / пребывая в дому́ святаго Чудотворца Николая, святе Андрее, княже Смоленский преподобне, / помол́ися о нас, поя: / отец наших Боже, благословен еси.

**Я**коже просла́вил еси Господа д́елы благими, непорочно соблю́д Божественная Его повеления, / тако и Он просла́ви и упоко́и тя в недрах Авраамлих, / идеже нас, чтущих тя, поминай.

**Р**адуйся, Российская земле, и вси Христолюбивии лю́дие весело ликовствуйте, / священнии собори собер́итесь во святы́й храм, идеже ныне прославляется наш заступник, благоверный князь Андрей Смоленский, / моля́ще его, яко да будет нам помощник в сем житии́ и в день Судный.

**Богородичен:**

**Преукра́шена** Божественною славою Ты еси, Пречистая, / Едина бо от века Слово Божие, зач́енши, родила́ еси / и явилася еси Мати и Дева, / благословенна в женах, Всенепорочная Марие Владычице.

### Песнь 8

**Ирмос:** Седмери́цею пещь / халд́ейский мучитель / Богочестивым нейстовно разжже́, / си́лою же лучшею спасены, сия́ ви́дев, / Творцу́ и Избавителю вопия́ше: / о́троцы, благословите, / священницы, воспойте, / лю́дие, превозносите во вся ве́ки.

**К**то изочт́ет страдания́ твоя, алчбу́, наготу́ и жа́жду, имиже украша́лся еси, / па́че бо солнечных светлостей просияв, святе княже Андрее. / Ныне на Небесех со Ангелы предстои́ши, / о нас непрестанно Христу́ Богу моля́ся и п́ети повелева́я: / о́троцы, благословите, священницы, воспойте, лю́дие, превозносите Христа во веки.

**Вышних ищя́,** на земли прелести возненавидел еси, Богоблаженне, / темже с преподобными в любви духовной соединився, с ними восприял еси победы венец на Небесех, / отнюдуже молящим тя сладце зовещи: / отроцы, благословите, священницы, воспойте, людие, превозносите Христа во веки.

**Кий язык,** блаженне княже Андрее, твое житие и страдание может исчезти и достойно восхвалити; / ты бо явился еси на земли яко безплотен, / земную жизнь и славу мира сего возненавидев, / Христа Единого возлюбил еси, присно воспевая: / отроцы, благословите, священницы, воспойте, людие, превозносите Христа во веки.

**Яви** ты Господь пресветлаго светильника в преславном граде Переяславле, / земнаго Ангела, Небеснаго человека, граду нашему Переяславлю предивнаго чудотворца, / Божественное сокровище, духовный образ, / вельможам наказатель и обидимым заступник, / граду нашему Переяславлю крепкий страж, / непрестающее чудотворение твое и великое милосердие, преподобне, верным людем, / спаси души наша.

**Богородичен:**

**Владычице** Дево Чистая, / Препрославленная Мати Марие, / молися Сыну Твоему прилежно / избавитися от всякия нужды и напасти, / и всякаго злаго обстояния / Тебе, Госпоже, блажящим, поющим и превозносящим во вся веки.

**Ин**

**Ирмос:** Руце распростер Даниил, / львов зияния в рове затче, / огненную же силу угасиша, / добродетелию препоясавшися, / благочестия рачители / отроцы, зывающе: / благословите вся дела Господня Господа.

**Всем сердцем** Святей Троице приложився, блаженне княже Андрее, / и от Нея лучи Боголепно приим, световиден был еси и со Ангелы ликуещи и поещи: / благословите вся дела Господня Господа.

**Невозвратно** шествовал еси к Небеси, блаженне, Божественными стезями, / от зле же ведущих до конца уклонился еси умерщвлением плоти,



преподобне, к Богу взывая:/ благословите вся дела Господня Господа.

**Всѣльшаяся** благодать в дѹшу твою, свѣте, сотвори́ ты бесѡм страшна,/ живу́щии бо в чело-вѣцех нечистии дѹси молитвами твоими прогонѣны бывают,/ вси же притекающии к тебе верно спасаются и поют:/ благословѣте вся дела Господня Господа.

**Богородичен:**

**Вода** неисчерпаемая Ты еси, Богородице Владычице,/ от Тебе бо пьющии вси благодати исполняются,/ душáми и телесы освящаются и вопиют:/ благословѣте вся дела Господня Господа.

### Песнь 9

**Ирмос:** Ужасѣся о сем Небо / и землѣ удивѣшася концы,/ яко Бог явѣся челоуеком плѡтски,/ и чрево Твое бысть пространнейшее Небѣс./ Тем Тя, Богородицу,/ Ангелов и челоуек чиноначáлия величáют.

**Крилѡма** духѡвныма ум твой вперѣв к Сиѡну Вышнему, егоже и наследовал еси,/ бысть единокрѡвник с лѣки свѣтых, всегда веселящихся и поющих в свѣтлости неизреченней Гѡсподеви:/ Егоже моли о творящих память твою, да достойно тебе величаем.

**Всезрѣтель** Бог, видеv твоe усердие, свѣте княже Андрѣе, и совершенную веру к Нему,/ прослáви ты славою вечною, облагодѣтельствовав ты чудесы,/ Егоже моли́ к пользе ущѣдрити ны, Богомудре, да тебе, достойно воспевающе, величаем.

**Спаси́** молитвами твоими, свѣте княже Андрѣе, верою творящих память твою / и от всех бед сохрани́ град Переяслáвль, и всякий град, и странѹ,/ и храм твой невредѣмы от нахождѣния иновѣрных и междоусѡбныя брáни, и от всякаго зла,/ тебе воспевающих и величающих.

**Вышняго** Иерусали́ма и быв граждани́н Небеснаго Царствѣя,/ со Ангелы предстоѣ во Славе неизреченней,/ тоѣ же слáвы яко щедрый отец молитвами твоими, свѣте Андрѣе, княже Смоленский, ѡбщники нас сотвори́,/ Христу Богу моляся, да достойно ты величаем.

**Богородичен:**

**Марие** Пречистая Владычице, омраченную мою душу и сердце просвети, / и жизни вечная сподоби мя, Госпоже, / не поминаючи безчисленных моих зол / и молящи Сына Твоего и Бога нашего за мя, окаяннаго.

**Ин**

**Ирмос:** Ева убо недугом преслушания / клятву вселила есть: / Ты же, Дево Богородице, / Прозябением чревоношения мiрoви благословение процвела еси. / Тем Тя вси величаем.

**Источаеши**, славне, исцеления, и страсти отгоняеши от приходящих к тебе с верою, / прогоними бо бывают души лютыя, / ты воздвизаеши верныя восхвалити светлыя твоя подвиги.

**Яко** великое солнце, возсиял еси величием подвиг твоих и озарил еси вся Русския страны, свободяя всяких напастей, душевных и телесных, / молящи со пророки и апостолы, с мученики и преподобными и Богоносным Данийлом, / и всеми святыми Христа Бога о всех нас.

**Нам**, чтущим тя и похваляющим подвиги твоя, / испроси, блаженне, молитвами твоими у Христа Бога ныне / и во исходе душ наших, и на Страшнем Судии получить милость, / яко и мы со всеми вопием ти: / радуйся, великий княже Андрее, / Ангелов собеседниче и человеков помощниче.

**Любовию** вперив к Вышним ум свой и дух, блаженне святе Андрее, княже Смоленский, / житейское море прешел еси без порока и ныне на лоне Авраамли, пресвяте, / почиваеши во славе со Ангелы, непрестанно величая Христа Бога нашего.

**Богородичен:**

**Великий** воин невестственных сил Ангельских Тебе, Всечестная Владычице, благовести, рек: / радуйся, Благодатная, Господь с Тобою. / Темже и мы Тебе вопием, Всесвятая: / радуйся, Сына Божия воплощение, всего мира освобождение.

## Светилен:

**Т**реблаженне княже Андрее, / предстою со Ангелы Христову ныне Престолу и Света оттуду исполняся, / миру мир исходатайствуй и нам спасение, / благочестно и благоприятно память твою совершающим, и в скорбех к тебе притекающим.

## Ин светилен:

**П**роцвёл еси, яко финикс, давидски, святе княже Андрее, / и обитель явился еси Духу Пресвятому, / Иже славна ты вселенней показá и Россійстей земли пресвётла светильника, / о нас непрестанно моли, почитающих пречестную память твою, княже Андрее.

## Слава:

**О**ста́вля свое отечество, град Смоленск, / и удалився своих и мирскаго сожительства, блаженне княже Андрее, / Христу, Иже над всеми Богу нашему, непорочным житием благоугодил еси, / Егоже ныне моли о нас, рабех твоих, верою празднующих всечестную память твою.

## И ныне, Богородичен:

**Т**я немолчными песньми блажим, Богородице Дево, / яко родила еси Единого от Троицы, / и на руку Твоею носила еси Христа Жизнодавца / на спасение всего мира и обновление.

## На хвалитех, стихиры святаго на 4, глас 1:

**П**ознахом ты суца человека Божия быти, / блаженне княже Андрее: / странствовав бо на земли, / нищету вольную и кротость смиренномудрую стяжал еси, / терпением бо твоим в добродетелех совершенство восприял еси / и чудесы твоими вся верныя удивил еси, / молитвенниче о душах наших.

**Л**юбовию Христовою орошаем, / блаженне княже Андрее, / мирския лести вся возненавидел еси, / княжескую же честь и славу нищетою почтил еси / и Ангелов житие наследовал еси, / с нимиже молися Господеви даровати душам нашим мир и велию милость.

**П**ослужил еси, Богомудре, / усердно во храме Господни, / в дому чуднаго святителя Николая, /

отонудуже и в Гóрняя вшел еси,/ последі же всѣми познался еси,/ рукописаніе бо твое людем показал еси,/ и чудес токи испустил еси,/ святе княже Андрее,/ молитвенниче о душах наших.

**С**вяте княже Андрее,/ нищетóу чертóг измени,/ от града своего Смолѣнска в чуждый поселися,/ и в домú святителя Христова Николая вселився,/ идеже пожів благочестно страннóлюбием,/ Божественное Ангельское подобіе наслѣдовал еси,/ с нимиже молися даровати душам нашим мир и велию милость.

**П**ребывая незнаем, мудре святе княже Андрее,/ в домú святителя Христова Николая,/ надóлзе премені в нищенстем образе/ и ко Господу преставися,/ явился еси чудес подателъ,/ ихже от Бога восприим/ в пользу многим, приступающим к тебе,/ исцеляя людем недуги и прогоняя неприязненныя дүхи,/ рукописаніе показав людем Переяславского жителем града/ на увѣдение славнаго імене твоего,/ ихже сохраняй молитвами твоими/ от всяких бед и напастей,/ преблаженне княже Андрее Смоленский и наш дивный заступниче.

**Слава, глас 6:**

**Е**гда благоизволил Бог сугубо ты прославити/ и людем в пользу показати мóщи твоя,/ тогда бысть преподобному Даниїлу откровѣніе о тебе,/ он же возвесті самодержавному государю царю Иоáнну/ и первопрестóльному святителю Иоасафу о сем:/ они же повелѣша честнóе тѣло твое из земных недр изыяти,/ и поставити яко свѣтільника на свѣщнице,/ да свѣтит всему миру и граду твоему чудесы./ Преподобный же отец наш Даниїл/ со освященным собóром и всенарóдным мнóжеством/ обретóша е и явственнó видѣша,/ яко нетленно сущее и благоухание испущающее,/ тогда мнóгая чудеса от мощей твоих содеял еси,/ всякия болезни от человек отгнал еси,/ и о тебе невѣрствующих наказал еси./ Мы же видяще сичевая,/ яко изволил еси тѣлом с нами пребывати,/ сиче спребывай с нами и дүхом неотступно,/ тя мóлим, угодниче Христов, блаженне княже Андрее,/ от Негоже миру

мир испроси́,/ и нам, твое успѣние  
празднующим,/ и всем, к тебе прибегающим,/   
спасение душам и велию милость.

**Ина слава, глас тойже:**

**Приидите днесь, Россійстии Христолюбивии  
людіе,/ мудрии, богатии и нищии,/ и вси право-  
вернии гра́ждане,/ иноцы и протчии, юноши и  
старцы,/ память праведнаго князя Андрѣя че-  
стно да восхва́лим/ псалмы и пѣнии, и пѣсньми  
духовными,/ и радостно торжествуем дивнаго  
нашего заступника,/ к Богу ходатая чуднаго  
нашего,/ чудотворца князя Андрѣя,/ и ублажим,  
сїце вопіюще:/ радуйся, рабе Христа Бога,/   
служителю Святыя Троицы, жителю Горняго гра-  
да Иерусалима,/ странствовавый на земли  
Богоугодне,/ оставив отечество земное, получив  
Небесное,/ возненавидел еси богатство тленное,/   
возжелев искати Небесное, егоже и получив,/   
наслаждаешися ныне неизреченныя сладости и  
присносущна веселия./ Тем и Христос тя просла-  
ви и преславна светильника на земли показá,/ в  
Россійстей земли учини́ ты, яко второе солнце,/   
чудес лучи испущающа и вся болезни наша  
исцелевающа,/ мрак уныния разгоняюща светом  
преславных чудес твоих,/ и всех верных сердца  
просвети́, и от лотых недуг свободи́/ верою  
совершающих Божественную твою память,/ Бо-  
гоносе княже Андрее Смолѣнский и  
Переяславский,/ досточудный чудотворче,/ хо-  
датаю к Богу присный о спасении душ наших.**

**И ныне, Богородичен: Богородице, Ты еси Лоза истин-  
ная: Таже Славословие великое, ектении и отпуст.**

**На Литургии: блаженны от перваго канона святаго, песнь  
3-я на 4, и втораго, песнь 6-я на 4. Прокимен, глас 7: Честна́  
пред Господем смерть преподобных Его. Стих: Что воздам  
Господеву о всех, яже воздаде ми. Апостол, к Галатам,  
зачало 213. Аллилуия, трижды, глас 6: Блажен муж, бойся  
Господа, в заповедех Его восхощет зело. Стих: Сильно на  
земли́ будет семя Его. Евангелие от Матфея, зачало 10.  
Причастен: В память вечную будет праведник:**



В  
ТОЙЖЕ  
ДЕНЬ

**Преподобнаго Нестора Некнижнаго,  
в Дальних пещерах почивающаго**

**Тропарь, глас 2:**

**Чист и прав сый сердцем, / и свят, преподобне  
Несторе, душею, / прост же паки и не умѣя сам  
честі книг, / сего ради чтущим я прилѣжне  
внимал еси / и, оная в себе соблюдая, спѣшно  
тщался еси исправляти, / яже яко разумен испол-  
нив, обрел еси Царствие Небесное.**

**Кондак, глас 5:**

**Дивный во святых Своих Господь / удивися  
изрядне в сем святем Несторе, / иже аще и  
безкнижен сый и прост, / но превзыде премудрых  
и посрамі книжников, / чтущих и не творящих, /  
наслѣди блага вечная / и молит присно еже  
спастися нам.**

